

古滕張氏族譜

卷十一





古滕張氏族譜卷十一

續傳

先王父太學公傳

孫 廣寅

記曰先祖無美而稱之是誣有善而弗知弗傳不仁
然則人有善可稱俾信今傳後子若孫之責也而世
顧多略而不傳勿亦懼其誣也否則見有所不及不
自知其不仁也寅先祖無甚功德可稱以傳而有足
爲後人法者爰敬誌之先祖性耿介少讀書明大義
制藝未及卒業先曾祖命異爨給田僅數十垧先祖



恐家中落乃廢學就農督僮僕耕作惟勤而自奉儉約十數年家日益起悔其讀書無成也捐貲入國學然非其初心矣平生修內行雖私居無惰容治家嚴而有法早起晏眠內外必躬檢閱與人交取與嚴一介遇人有過面責不稍貸反覆勸導俟其改而後止否則絕不與言鄉里以是多敬憚之歲時祭掃粢盛豐潔無或以他故間至老猶躬親焉花木果蔬廣爲種植曰欲後之人食其利也延師課讀不惜重貲曰望後之人克樹立也其平居教人每曰心不可欺行

不可苟勿損人而利己勿有始而鮮終

寅

自少卽耳

熟焉迄今未敢忘也通方脈視求醫之人而可否之

爲父母來及計無他出者雖赤貧必應力不能服藥

或助之需投以劑罔不立效豪右之家則峻詞拒之

以爲素不習也尤精痘疹科診視者常死而致之生

其實行類如此先祖歿時

寅

年甫十九歲今垂四十

年人猶稱道不衰憶當時之彝訓宛然在耳不避其

誣泣述之以示後人俾知不忘祖德云其諱字載族

譜祖諱體璠字魯珍祖妣孫氏呂氏考諱淙字澗洽

太學生贈奉直大夫妣朱氏任氏庶母孫氏俱贈

贈宜人

之以示愛人於此不忘顯慈云

平人節節並不交漸當朝之終時矣然其

其實益顯也此其顯也朝朝平甫十八歲全無四十


以爲素不醫也其部款款極爲顯者其顯也之坐

近也之需楚以曠園不立然其之亦顯顯顯顯

益父其來以信其顯出香顯表其必顯也本顯顯

顯顯顯今未顯也其顯也顯顯顯顯顯顯顯顯

不顯其必顯也而顯顯顯顯顯顯顯顯顯顯顯



先考附貢公傳

男 廣寅

嗚呼我先考棄世三十有二年其生平行誼小子


寅

日往復於中而兢兢不敢忘其未遽著之傳誌以表
示於後者蓋將有待焉至於待無可待恐久而湮沒
爰卽銘諸心者敬次敘之我先王父在時每言我先
考天姿聰敏初向學授論語日成誦千餘言十三歲
能屬文超超有致應童子試輒前列邑侯彭公少韓
每加獎焉然屢試不售年逾壯始補弟子員洎我先
王父年高委任家政遂廢帖括業援例貢成均以成

我先王父志先王父性嚴峻事無巨細稟命然後行門內肅如也平日所御車馬衣服謹飭有法嗜酒無過節好善樂施戚族借貸罔不周族有負債千餘串者貧不能償笑而面焚其券其人慚謝曰無傷也錢財細故耳勿復介意與人通財類如此咸豐辛酉南匪大掠聞將至度村閭不可保守買舟奉大人及家屬入獨山湖寓減水閘上月餘膳羞無缺兩大人幾不知逃難苦家屬得保全同治甲子先王父捐館舍當是時捻匪去來無常東山教匪尤逼近戎馬蹂躪

之餘而附身附棺盡哀盡禮於心亦云無憾矣中年
患脚疾每十數日不能步履然內外事悉臥治之值
暇居爲寅講論經史及古今文詞務期淹貫勉爲有
用之學而不徒慕虛名且悔己之志未及歲而待後
人之補之也謂人從師必至三十歲身心乃有定主
否則或易搖奪惜不肖未能成立無以慰先考期望
之志也丁卯歲四月八日戌時無疾壽終春秋五十
八歲今以待無可待且終待之而心有不安也敬次
始末俟後之修族譜者採入焉諱字載家乘世系中

欲未封翁之志也蓋昔對人豈窮字輝定矣其
 人遠今以將無可待且雖待之而亦自不
 之志也下與歲四民人日刻刻無幾壽考將五十
 否限更長壽計不肖未道對立無以慰我親望
 人之醉之也謂人壽福必至三十歲長亦已育家生
 田之學而不封墓與各且雖與之志未及賴而待翁
 雖與翁正壽備壽也又古今文圖欲賦翁貫缺翁育
 患嗚寒翁十幾日不翁求則然內於事悉屈翁之
 之翁而樹長樹翁盡矣盡壽也心衣云無翁笑中平



先妣王孺人傳

男

廣寅

先妣例贈孺人王氏世爲滕之名族邑庠生布堂公女也夙嫻姆訓執婦道事舅姑維謹相我先考治內勤操作細至米鹽等物無濫費善鍼黹時躬澣濯寅兄弟幼時衣皆疏布敝則改爲從不被以華服然新故相間或往外家及佗親故處必以整潔惜旣經兵燹箱笥中慈母綫無復存者常時周旋族娣姒間能敬以和其御下嚴而有恩奴婢有過譴責不稍寬然遇寒暑或風雨作苦時則體恤而加勞慰故羣下被

可朋張氏族譜 卷一 五
譴責者愛之而不怨也性稍急事機不投動輒撻心

兒女之愛尤摯

寅

少寡兄弟長蚤殤

寅

尚冲幼仲兄

甲甫成童讀書聰敏且善承母意先妣特鍾愛之繼

仲患癩醫不可治先妣憂慮成疾醫藥無功越年餘

仲之癩如故而先妣已溘逝矣時咸豐丙辰正月二

十二日也附身附棺俱於家稱葬村南祖塋後十一

年同治丁卯四月先考歿合葬於左嗚呼我先妣之

歿也仲兄甲年十五歲寅年甫十二歲姊猶未嫁妹

尚穉是歲十二月我繼母孫氏來歸越二年仲兄甲

亡既經咸豐辛酉之亂亂已少弟辰生中經我先王
考妣暨我先考大故我姊妹旋相繼亡同母兄弟五
人今祇孑然一身又兼我少弟辰赴鄉試病歿旅邸
越兩晝夜馳至家始視含殮嗚呼上下四十年間所
遭如此人世之變何如也墓門宿草觸目傷心爲先
妣立傳不自覺其涕之出也時光緒戊戌五月敬附
先妣傳後用誌感悼云

夫張轉翁...

傲立嶺不自崇其術之出也...


歡收拙人世之變...

越兩書...

人今...

...

...



庠生秩庭張次公傳

族姪 廣寅


公諱尙爵字秩庭太學紹真公仲子寅之族叔也爲

邑名諸生性敦厚而貌溫雅事二親內外無間言昆
弟五人友于篤摯好讀書求甚解每索一義心力俱
殫有得則欣然意暢四子書尤悉力研究爲文務求
精深不作膚泛語設帳里中教人先實行而後辭章
游其門者奉爲楷模率多質樸公筆耕而外課理桑
麻雖歲無餘貲而戚黨賙卹罔不周備自奉疏水晏
如也平生口無擇言躬無擇行禮節周旋動罔不中

品誼如公其今之古人哉年六十八歲壽終于三人
廣圖廣煦廣寰皆務本業長孫崇勳郡增廣生庶不
墮其家聲如康成之小同者寅夙從公游知之悉爲
謹次其概云

長庚夙讀叔祖亮臣夫子之文章涵蓄溫雅訓辭
深厚深得歐陽公神髓所謂紆餘委備淵然光采
非純粹於道德者莫能爲也此篇藏之於家因文
公孫竹銘從軍萬里未曾發表夫子捐館後家中抄
寄陝寓時族叔竹銘已授三等軍醫正一等軍醫

卽補知縣實任陝西富平縣縣佐不數年歸來林
下同話滄桑於戲夫子先識之明照人遠矣族姪
曾孫長庚謹附識於此



[The text in this section is extremely faint and illegible due to fading or bleed-through from the reverse side of the page. It appears to be organized into vertical columns.]

叶昆張公傳

從姪 廣寅

從叔叶昆公諱尙翁

寅

堂叔祖十夫公仲子也少孤

同伯兄季弟依母氏楊孺人成立楊孺人家法嚴言
動必循規矩有小過輒苛責不爲姑息之愛公守之
凜然如成人長就外傳受業諸名宿多器重之公益
自砥厲楊孺人知其可有成也督愈力每夜篝燈執
女工課讀或命構文藝不脫藁不許退息旣而公與
季弟果連鑣並轡蜚聲泮水公旋優等食餼固公之
材由天授抑亦楊孺人之教之力也前輩甘育圃先

生爲孺人表墓比之陶歐未爲諛己公學有根柢教
授生徒法程一本師傳說經衡文不尙新奇務求合
乎聖賢之大旨而後即安游其門者率多成就繼患
疴艱於應試以例貢成均後數年以瘵疾終享年四
十九歲子五人克世其業然則公旣歿矣猶生之年
也寅夙從受業得益於公者多念師弟之恩誼不忍
忘爰述其生平爲之傳

和風公

和風公

喬齡公傳

族姪曾孫

長庚

鳧山之陽昭陽湖之濱有隱君子生長憂患識量卓越蜚英聲於鬢序貽模範於里人享壽八十有七歲無疾考終是惟張公喬齡先生先生諱尙高字曰喬齡乾隆甲寅歲貢嘉慶庚午舉人國子監學正載邑乘儒林傳石村公孫優廩生友園公子幼有異稟不沾沾於章句辛酉之亂避居獨山因事匡救多所保全亂平家四壁立設帳教授賴以成名者甚衆有子四人廣琪廣珩廣珣廣瑛爲延請精於醫藥者教之

皆卓然有以自立長孫崇質爲名諸生其餘孫曾玉
立多擅歧黃中西一貫乃歎啓佑後人志宏利濟公
之遺澤長矣性嗜古彝鼎圖書羅列滿前客來聆公
詞鋒恒退避莫能發一語而心悅其妙工詩詞書法
學顏柳勃勃有生氣著有有竹山房文集藏於家尤
邃於河洛理數六壬諸法嘗避寇空宅中寇至無所
見懼而逃他人觀其書莫測殆天授也嗟嗟晚近有
官位者拘牽瑣屑偶遇盤錯往往不能辦一至頹敗
則多方推諉無有自知其非而激烈者流矯枉過直

又適以僨轅而少成事江河之所以日下又何怪也
如公者爲政於家耳豈不可以風世也歟初公奉尊
人命出嗣伯父界野公後因本支無人奉祀族議以
公兼祧兩支禮也義也

附墓表

黃興智

山川之靈秀詩書之精華其鬱積之氣必鍾毓奇
尤卓著夫名流碩彥之望余於張公遇之公諱尙
高號小園邑庠生仲甫公子處士界野公猶子乾
隆甲寅歲貢嘉慶庚午科欽賜舉人辛未會試欽

賜國子監學正清谿公孫也。界野公卒無子，仲甫公遵清谿公遺命，以公承祧。重大宗也。公八歲失怙，母王太孺人內閣中書諱特選公姪孫女臨朐縣教諭諱特達公孫女處士諱永公女性嚴正，嫻書史，守節撫孤，口授四書五經，督責逾于嚴師，以長以教，至於成人，較之歐柳諸賢，母可媲美焉。公少讀書，善屬文，尤工詩，綽有其祖父風。甫踰冠，補弟子員，人皆以遠大期之。乃三試棘闈，再膺鸚薦，卒困名場。而公遂淡于進取，丁母憂，喪葬悉遵古。

禮瘠毀骨立除服後猶不忍茹葷酒者年餘士論
益重之家本儒素公性復曠達不治生產因設帳
以授生徒遠近爭延之公循循善誘獎掖後進故
遊其門者後皆知名此皆稱公淵源家學亦得力
于母教有素也尤精楷書筆法遒勁具褚蔡規模
善畫墨蘭竹石仿板橋寫意併自題句得者以爲
珍晚年家居日以詩文課孫爲娛故其孫崇質亦
少遊泮蜚聲黌序公元配王孺人生子一女一而
卒葬於先塋西偏繼配鞏生三丈夫子公易簣時

古蹟引口族譜 卷十一
遺囑云先亡人既歸祖塋不爲失所惜地勢少隘
未便合祔宜卜新阡以藏魄焉故今之松柏鬱鬱
歸然馬鬣者公墓也因就所聞知者略述之以垂
後世云


庠員雲路張公傳

王靜專

公姓張氏諱尙翥字雲路十夫公季子也生三歲而孤母楊孺人性嚴厲教多義方初入塾與諸兄共讀日誦數百言卽通曉大義學爲文大力包舉不涉纖巧甫弱冠與仲兄尙翕公同時遊泮庠序有聲公孝友天成事父母曲意承順終日依依膝下愉色婉容溢於眉宇兄弟之間怡怡如也析箸後伯兄家中落公時河潤之及歿衣衾棺木墓石公悉以身任仲兄歿悲痛不已數年後偶一念及猶泔泔淚落盤餐枕

席間也待諸姪甚厚課諸子綦嚴次子廣性未弱冠
卽補博士弟子員旋以優等食餼其家教可知也咸
豐辛酉捻匪擾滕合村逃避大山夜歸取糧賊忽至
公被傷數處匪退公從叔深菴公倡議築圩命公爲
輔公爲植巡功衆皆踴躍不日而功成賊復至村得
保全張氏固盛族族人散處四方者多公恐久而譜
系失傳聚議重修採訪編次公力居多焉性伉爽遇
事能斷宗族鄉黨之中有不平往往就正鼠牙雀角
之爭數語立判急公赴義之爲難以枚舉其大略如

此公無一隴之植而飲食必豐腴衣服必麗都有莫
知其所以然者貌偉岸聲如洪鍾歛唾震屋宇家訓
森嚴內外大小聞聲無敢妄言妄動者年七十三以
壽終嗟乎以公之才施之州縣如烹小鮮耳使得遇
於時以大其設施其所建樹必有足爲邦家光者豈
第區區見於閭里間也余故備述之以俟輶軒之採
焉



誦

讀

誦

讀

誦

讀

誦

灤盦夫子傳

族姪曾孫

長庚

幼時讀非禮勿視文大府批云如初寫黃庭恰得好處讀錫簫賦咸稱工秀絕倫得未曾有及讀隱居求志篇大宗師張公

印百熙

擊節歎賞以瓊林相期許

試皆第一文名藉甚迄於今津津在人齒頰間矣爾

時

長庚

初學未測高深庚寅歲獲受業夫子之門講

畫指授析理豪芒神超象外非尋常墨義家所得而比擬也迺作傳曰

公姓張氏諱尙勳字法卿一字灤盦晴谷公孫懷白

公季子鼎才公之介弟也文學淵懿性情和介於人
無忤於世無爭坦白平易襟期浩落遇拂逆事曾無
幾微見顏色應童子試輒一鳴驚人雄視曹偶當代
哲匠宗工咸目爲琥璜英器而艱於一第以優廩貢
成均候選廣文竟以終老豈兩字科名果有數存乎
其間歟設帳鄉里一時從游多知名士得公批點破
壁飛去者指不勝屈與高仲城王樹海孟繡章董晝
卿爲執友文酒談讌殆無虛日世變滄桑民國反正
以五經教授者推公爲祭酒捐館之日識與不識罔

不垂涕輓詞多名作曰老益壯窮益堅無爭於世和
不流羣不黨獨善其身曰論吾邑文名與張白雲滿
碧山竝駕問君家仙訣由黃石公赤松子而來蓋浹
於人心者深矣光緒壬辰續修族譜公與亮臣公爲
主筆晚年以族衆渙散屢經提議再當續修恨未見
施行而公逝矣壽八十有一幼子少鴻獨承大事孫
男崇珏曾孫肇翼蜚英中學能世其業於戲師門立
雪游夏何敢贊一辭惟念公樂道安仁叔季罕見遭
逢落拓以獎進學子爲事時數之不幸所係非只在

公一人則自適其坦蕩之懷而已矣吾族人士詩書
農桑孝弟為本無以窮達之故誤入歧途是公含笑
於九京也夫著有松山堂詩賦文集未付梓

賦辭而公逝矣壽八十有九

生聖訓半以慈衆與婦氣辨

飲人亦答將矣與辭于冠

學山並職問孫家曲處由黃

不將琴不黨蹤善其良曰備

不垂新神屬冬谷并曰芬益

念亭張公家傳

光祿寺署正 黃以元

元之四世祖中色公有明萬歷癸未進士宰河內縣
六年任滿考爲天下清官第一載在史策雲洲方伯
初補河南知府三年治行薦爲兩河第一載在史策
二公爲兒女媼張黃兩氏聯姻自此始厥後世爲婚
媼先是元之三世伯祖希周公有明嘉靖甲辰進士
出仁齋先生門下張黃兩氏通家自此始厥後世爲
通家仁齋先生公之四世祖雲洲方伯公之七世伯
祖也公氏張諱廣懷字念亭九品職銜始祖諱瓚明

初由山西忻州遷滕治東艾湖由艾湖遷故滕城遷
鞏莊終遷大塢祖諱學古爲蹈道君子見於魚邑馬
臥廬先生所作之傳父諱尙醇蜀山湖屯官乘田委
吏爲貧而仕者也曾祖以上八世咸列膠庠稱望族
公性孝友有吉德兄弟三人居長愛篤兩弟叔父尙
輅邑庠生墨卿其字博極羣書通小學善篆隸鄧頑
伯桂天香未遑多讓間鐫印章古雅秀逸有高南阜
之風論中表下元高叔祖道光庚戌進士鑄海公一
輩每致函索書必以先生尊之其敬慕可想惜其無

後公終身事之惟謹生養葬祭一如事父咸豐辛酉
髮逆亂後流離播遷家益落晚年酤酒爲生遠近會
飲嘉其味之旨價之廉爭購取之然無分毫羨餘或
勸之曰同業者多致富矣稍變其計可也公曰一朝
詭計身即豐心實歉焉胡爲者何如守吾拙安吾性
命之爲愈乎其他行事類如此公生於嘉慶二十二
年九月初九日卒於光緒二年十一月初十日享年
六十有五德配王氏早卒繼王氏賢聲夙著後公七
年卒享年六十有六子一崇桂太學生孫二長肇曙

奎文閣典籍次肇景學名長庚邑增生科舉廢投筆
從戎以勞績保任福建同安縣知事未匝月上峯取
民令日不知凡幾長庚不能勝力爲告歸假令六年
三年清廉治行應亦第一有斷然者人惟有所不爲
也然後可以有爲不忍厲民中飽以媚上無論何時
蓋亦第一流人物况當代哉繼任某年餘囊粲粲白
金數萬或謂之曰同一官也人何利君何鈍也長庚
笑曰瘦於人肥於己豈不知美但無術且物質終必
損壞胡爲者可謂行己有耻不辱其先者矣回籍後

躡屋而居環堵蕭然以選學教授鄉里哦哦而外無
所事事鄉先哲王特選龍嶺趙誠品諸老前輩之後
此道不講已久長庚重勗後進文風其或振乎墨卿
先生嗜考據長庚乃愛詞章也女孫適同邑王廣蔭
于歸十七日遽喪所天純孝完節高太史熙喆文以
表之入邑乘婦德士行輝映一門公之遺澤長矣長
庚手公行狀首至地丐元立傳噫元衰矣白髮飄蕭
學殖荒落求之治已事人略無一是遂不禁緬懷兩
姓先世之舊德對長庚而滋媿也

叔世世之善繼德是東而遂厥

學厥流承來以節日建人無無一具

與年公於無首至獻伊其宜轉御其意突白

夫之入國來積德書計職與門公之嚴清其突

于調中計日意齊和天輪率及道高太史照

出半節德與身與以愛民章華文苑嚴同昌

曲意不無包入身與重最於並文以其與

親建身時之昔王神靈肅蔚德德品而

繼星而烈烈然以數學海海星



張徵君亮臣家傳

字亮臣，大吳村人。當陵

先生姓張氏諱廣寅字亮臣，滕之大吳村人也。當陵谷位移之代，抱遺經以教授於其鄉，蓋終身不復出。云光緒丙午，天子銳意於學，將併中外而統於一時。楊文敬公爲東撫，走書命余與其事。余意歸先生爲之長。王大令汝恣曰：得人矣，然恐不能致也。旣而先生果不出，或曰：先生非無意於人世者，爲邑者果以禮招之，當至。逾年，邑尊姚公詩志聞先生爲衆志所歸，乃自屏輿服往拜於其家，強起之。先生意不可然。

重違其意遂出視事視事期年見踞皋比者多新進少年仰承倭人頤指顯悖古經法先生曰時事如此余固知其不可而人乃強余余從此逝矣遂決計歸抱遺經以終老嗚呼余方十五六歲時戰文於童子軍中當是時以詞賦經藝鳴者吾邑必曰張鼎才次卽先生鼎才者先生之從父也旣而督學使者案出鼎才冠一郡先生亦前茅不二年鼎才中庚午副車又十餘年先生亦登乙酉拔萃科考試保和殿報罷遂歸迄今三十餘年矣嚮所謂大吳之張氏爲老師

宿儒者皆後先奪以去其爲剝中之果僅法卿一龍
鍾叟耳吾不識造物何賤惡乎文學經生而使之丁
此阨也不然則是六經之劫運固亦有數以存乎其
間而先生適與之會也其亦可哀也已父諱尙恂母
王氏繼母孫氏子崇樾崇彬崇挺生於道光二十五
年九月十七日亥時卒於民國三年十二月初九日
已時年壽七十歲

故翰林院編脩愚弟高熙喆撰

附墓表

姓張氏名廣寅字曰亮臣寓讀於耕因號鳧陽埜
樵紀實也自明初由忻州遷滕始祖諱瓚公者隸
籍於斯歷傳十六世至余身生性魯鈍幼喪母爲
祖父所鍾愛立志讀書未能成就年四十始以選
拔爲明經朝考後赴部就教回籍候選十試秋闈
薦而不中時逢新政大行職官盡更易裁撤選班
停止竟未博得一冷官未幾革軍變起清運告終
又自號清世遺民亦皤然老矣先業半就彫零祖
考之恩德莫酬子孫之衣食何賴追憶前代方伯

諸先公數世顯達今如此冷落彌滋愧矣生負蒲
柳之姿死當與草木同腐形影自弔有志無時命
者也夫復何憾甲寅歲秋舊患濕症大作於民國
三年十二月初九日巳時終於故居敝廬距生於
道光乙巳年九月十七日年七十歲孺人楊氏長
余一歲賦性闇懦頗執婦道無德可稱於先二年
辛亥十月二十三日以濕鬱疾終距生於道光甲
辰正月二十日年六十八歲此其合葬息壤勒石
以示後人自誌

以示於人自茲

五月二十日

辛亥年

余


與

遂

香

賦

請



玉叔張公傳

黃興智

滕之大塢里張氏望族也詩書世守代有聞人而學問精純品行端方吾竊於玉叔張公遇之公姓張氏諱廣璵玉叔其字也父諱尙翁廩貢生湛深經術爲士林所矜式公固名家子幼承庭訓學有根柢潛心典籍入郡庠旋以優等食餼宣統己酉歲貢生候選按察司經歷例授文林郎其先公捐館已有年矣竟未及博得一官以祿養親爲憾公昆季五人奉侍庭闈怡怡然樂於是內外無間言其先公棄養時季弟

尙在孩童歲延師教之讀俾克成立旋入邑庠一門
孝友之風至今人稱之不衰家素貧日以教讀爲務
先世僅遺薄田設科授徒一時名家子多從之遊講
義精熟文品雅正沐陶成採泮芹爲名諸生者所在
多有尤善扁鵲術經診視者無不着手立效故歲全
活無算仁心仁術豈過譽哉余與公深相知屢親丰
采儀貌秀雅望而知爲端人也於民國二年八月初
六日卒享年六十四歲喆嗣崇兌以其狀來請傳於
余自惟譎陋不足以傳公義不獲辭謹按狀以叙之

虞宗公傳

族姪孫

長庚

讀書以講解明晰爲貴不然則固尠當也

長庚

初學

應試之文及律詩小賦自叔祖虞宗夫子始講授周易四子必切必顯扼要鉤元不煩言而冰釋理順如庖丁之解牛批郤導窾悉中肯綮而已矣公姓張氏諱廣秩字虞宗增廣生員滕邑大塢泉里人幼嗜讀帶經而鋤凡耕耨種樹御車轆轤一切勞力等事皆身任之而讀不輟有負薪挂角之風焉早入邑庠教授鄉里講畫最擅長聽者娓娓忘倦知新溫故爲師

有名能用思精醫理不好施診而用藥輒效享年六十有八鬱鬱以終儒林惜之嗟乎師道之不立也久矣或稍識之無輒敢傲睨忝竊皋比之座學者弗察又私計修羊可廉紛趨若鶩究之句讀未明何論講解切音譌舛背謬爲尤甚耳僞學多而真士少經義所以愈晦士習所以日漓也夫安得大雅鴻才亟起而匡正之哉

讀書以滿腹四洲金貴不然眼開何益世學無益與宗公樹德不足以及公義不避強流其與叙之

邑庠秦詹公傳

族姪 崇彬

公諱廣運字泰詹玉齋公子仲全公孫也祖父俱太
學生玉齋公有丈夫子四公其弟三子也少讀書聰
穎過人十餘歲即能操筆爲文塾師咸器重之嘗受
經於先教諭公公謂之曰汝具此才取青紫如拾地
芥耳後晝夜攻苦雖嚴寒酷暑罔或間年逾冠卽補
博士弟子員屢試秋闈弗獲售遂棄帖括業授徒四
方餬其口又嘗館於徐之利國駟徐之名宿有周少
白者品詣清超絕俗書法擅一時遠近碑版文字多

出其手與公爲至交常共把酒論古今文間偕至徐
看雲龍山登戲馬臺過楚漢交爭之地考蘇張之軼
事不覺胸襟爲之頓開性至孝遭父母喪水漿不入
口者累日哀毀骨立幾不欲生者喪葬悉如禮兄弟
喪悉以一身營葬之其孝於親友于兄弟類如此善
治生雖刀錐之末不計也故家日益羨嗜酒無過節
嘗引壺自酌曰胸中磊塊藉麴生以消之也民國肇
興匪氛甚惡閭村推公爲寨長自經營而巡視而慰
勞以一身董其事疾風甚雨未嘗一刻或懈也附近

村落受匪患被擄勒贖以蕩其家者不勝俚指數吾
村之賴以保全者皆公之力也嘗除一室雖一几一
榻必整潔完好其心乃安架上詩書卷帙雖無繁夥
布置須有次第有子二人歲延師督課之勗之曰汝
等勿墜家聲吾死庶無遺憾於先人也卒於民國二
十一年七月二十三日壽七十有三子崇炯崇樵庶
克世其家云

... 父... 母... 孫...

京世其家云云

十一年... 十三日... 十有三年...

... 人出... 效... 國...

... 二人... 補... 之... 曰...

... 心... 築... 書... 遊...

... 公... 之... 一... 八...

... 受... 恩... 以... 不...



寶璞公傳

族姪孫

長庚

士不出里巷而真意所在不參以人而純任乎天豈
非三代後之所貴哉吾師寶璞夫子姓張氏諱廣璫
寶璞字也

長庚

讀四子書先君口授之九歲從受業

夫子之門讀毛詩尚書戴禮爾時茫然不知其何謂
也夫子終日端坐吟諷方嚴而寬厚三年未嘗有倦
容亦未嘗見有喜愠之色閱十年旣冠與夫子同采
一芹族鄙以爲笑悅吁曾日月幾何

長庚

奔走且萬

里夫子頽然捐館舍矣性和而介終身以教讀爲事

業人咸曰師資也蓋承家學者夙矣曾祖愚泉公爲
一代名士丹青獨步祖十夫公例貢生父協昆公廩
貢生皆世所稱純修篤行君子也公兄弟五人而公
最幼仲兄玉叔歲進士善醫雖貧乎書香累葉昆季
怡怡繩趨矩步穆然想見老成典型噫古若原憲季
次又何人哉而世有讀書而瞽於理方且竊據高位
坐擁厚實者抑不知彼蒼者天所以位置斯人何異
同如是之甚也願還以質之君子

煥文張君家傳


劉彭英

大烏泉上張氏爲滕右望族科第簪纓代有傳人十六世字煥文名廣章者余舅氏州同知濬哲公仲子例贈儒林郎太學慎修公孫也慎修公爲彭外祖煥文乃中表弟昆同受業於乙酉科拔貢候選教諭亮臣張夫子門下共硯席者數年故知之悉生而岐嶷骨秀神清爲文疏宕有奇氣尤工詩賦每當窗南分韻硯北攤箋列坐同人均未敢當旗鼓十八歲入黌宮旋食餼爲優廩生鄒魯名宿及督學使者殿撰陸

鳳石編修華金壽兩宗師咸目爲偉器異日詞壇當
高樹一幟然嘗患痿痺屢躓棘闈未伸其志光緒中
考取恩貢生候選州判孝友豁達接人以禮教授一
方多所成就後以滄桑迭變僅四十八歲以卒於虜
惜哉

論曰甚哉君子不能與時命爭也以煥文之英奇磊
落抱負經綸使其早登蕊榜入翰林與文苑詞臣頡
頏上下何多讓焉乃竟扼於斯沈淪抑鬱蠖屈不信
時與命與抑運會所至彼蒼無權而故促其年與余

非獨爲斯人惜而並爲吾鄉惜也乙亥秋張氏續修
家乘喆嗣崇鏌丐余爲傳自維樗散曷克任此以情
關至戚義不容已略述梗概輒不禁俯仰今昔感慨
係之



新之... 關至... 案乘... 非...

太學亦勤公家傳

族姪 長庚

先伯父太學公之卽世也儵忽二十有三年矣公令
範懿行勒銘墓道高太史仲城先生稱爲蓄德器君
子鴻文鉅製儒林傳誦僉曰史筆無溢美信然哉又
何以傳爲歲丁卯仲兄肇琚謂長庚曰先君行誼表
有未詳闕而不書後嗣何觀其關係乎我族姓者非
細也庚寅辛卯間有事於祖塋脩墦垆樹碑碣夷圻
坎拓宅兆劃界釐然繪圖剡石明示後人迄於今族
鄰戚里觀於圖碑神罔不肅而當日剡任者先君也

張氏族譜至壬辰而五修閱二載而觀成體制臻備
久爲當代士君子所推載筆則法卿亮臣前輩諸公
而自集議以逮歲事綜其終始而無怠者先君也捐
館之日先叔祖亮臣公輓辭曰譜有修瑩有廓諸事
賴斯人最難勞勩弗辭後來誰繼者心無歎行無慚
一鄉稱善士胡竟沈疴不起此去定何之公風節自
持生平少所許可而言若是殆直筆歟而延師課讀
諸父及裕瀚並以能文名於黌宮閭鄉有冠昏喪祭
之儀恒待先君借籌而後治弟知之乎弟其作傳以

告來葉長庚曰唯唯自惟穀瞽未能知文謹卽所語
書之以明法守是仲兄意也猶憶公在日教後生最
切至循循翬翬有加無已詔長庚曰來吾語女蓋承
提命者屢矣滄桑一瞬歲月幾何先正風規渺不復
睹追思往昔感何如也世之盛也在位皆君子其言
論丰采足以爲天下法而時事日底於安東漢之季
郭林宗徐孺子之流隱居鄉里而天下日卽於危氣
運消長之機雖曰天命豈非人事哉公溫顏霽色無
嶄絕之行雖牧豳盤夫一游長者之宇無不潛移默

化立消故態鬚眉皓白修髯過胷望見者以爲極品
大人樞閣之選然而躬耕畎畝以布衣終於戲爲善
無近名善人愈多民物愈理不爽之則也世有砥礪
操行之士尤公所心許也夫公諱崇儉亦勤字身後
冢孫繼歿家况艱屢聞者太息而曾孫光耀甫弱冠
仗劍從軍不數年爲校官淞閩間有聲風賦述不
附墓表
皆曰吾邑之大塢村有蓄德器君子云所謂亦勤
先生也始吾固熟聞之然未識之也旣而先生之

孫曰裕瀚者從余攻制舉業先生來視其孫兼惠
余挹其貌神采清奕其中充然若有餘者竊悚然
異之旣而聆其言論冲夷醇粹期到古人如對東
漢獨行傳中人語不覺神爲之遠丙辰丁巳之間
余以弔唁間至大塢村大塢故多博雅老人皆好
余先生之宗姓又其尤者其宗姓曰先生年弱冠
父星階公卒當是時大父在堂春秋七十矣先生
以冢孫躬子職朝夕不怠而喪而葬必衷于經先
生之承老不旣篤矣乎辛酉之亂嘗避焚杆于獨

山湖寇退率里人平板榦鳩畚築砦成無一錢浮
出者先生之衛衆不旣勤矣乎里有雀鼠爭將之
官矣他人居閒百端結不解先生至立釋皆曰得
亦勤一言勝讀睦嫻任郵書百過矣先生之覺後
不旣洽矣乎今其卽世已若干年矣石旣斬將文
焉是在吾子余曰唯唯熙喆謹案先生諱崇儉姓
張氏亦勤字也其先世有令容城者曰大經與楊
椒山先生爲通家方嚴勢薰灼嘗匿椒山子十數
年以此得名於世祖尙懋贈儒林郎儒林生廣平

贈如其職以州貳待選父曰廣平邑諸生有四丈
夫子先生冢也壽七十二以光緒三十一年九月
十二日卒嗚呼裕瀚之從余遊忽忽已兩周星矣
當是時裕瀚病喀血然業甚勤骨柴立見其體貌
不如先生之矍鑠竊以不永其年爲慮恐一旦奪
去重遺先生之戚也未幾而先生捐館舍裕瀚冢
孫也旣以執喪祭之重以爲吾言庶幾其不驗矣
不數年裕瀚果以中壽亡彭殤有命也然吾獨怪
大專之槃物其祖旣以孫勤子職迨其孫又復然

天幾若專注於一家又阨觭之而至於再何其酷
也不然則是造物之才窮雖日呼籲於其下而罔
聞知也豈不悲哉配王氏子肇瑛肇琚孫裕瀚裕
忻裕炤

不... 肇... 瑛... 琚... 孫... 裕... 瀚... 裕... 忻... 裕... 炤...
夫... 夫... 夫... 夫... 夫... 夫... 夫... 夫... 夫... 夫...
夫... 夫... 夫... 夫... 夫... 夫... 夫... 夫... 夫... 夫...

益坡張次公家傳

顏蕙山

士君子砥名礪節仰不愧俯不忤內則有以孝於親外則有以信於友程子曰苟思利物於世必有所濟斯詣也微經明行修志在古人吾未見其立品卓卓至於斯也若益坡張公可以傳矣公諱崇謙字益坡張氏滕望族代有傳人公學行脩潔早入郡庠以優等食餼光緒乙巳歲貢生謁選縣丞例授脩職郎祖敬閣公授儒林郎父星階公爲名諸生昆季四人公次居仲奉親同居終身未嘗有違言孝友敦睦雍雍

怡怡爲戚鄰所景慕嘗與嶧邑褚少吳中書族長張
鼎才司諭同肄業灤源書院名蒸蒸海岱間壬辰續
脩族譜設譜館家祠公終始館中身任其責功最多
本支祖塋在大吳村南公司清丈詳繪塋圖勒石垂
示永久至今賴之婚喪賓主之禮著有成書爲一方
楷則性情和易與人交翬翬然而中有卓見不阿不
徇朱子云品節詳明德性堅定事理通達心氣和平
公其庶幾焉於民國二年十二月二十二日考終壽
七十有五晚歲設帳鄉里啓牖後學門下多知名士

王文直公孫曰紀龍紀航者公弟子也每詔學者早
自奮勉毋貽失時之悔歿之日其族長灑卿先生哭
之云是吾族老成人詩書醞釀心氣和平事事善安
排練達聲稱孚遠近值當今新世界富貴銷沉功名
冷淡層層都看破逍遙蓬島訪仙神於虜晚近士苦
於未學學矣而行或不謹瑕瑜互見往往爲當世所
詬病如公者純學篤行內外完好粹然儒者氣象猶
令人想見三代之遺風矣抑又聞之星階先生一代
名士嗜鐘鼎彝器圖典古籍以及宋明以來名流書

畫家藏甚夥有商鼎一尤爲珍貴先生沒後每當春
秋祭掃公偕伯兄白髮飄蕭率諸孫曾陳鼎墓前行
禮乃退公伯兄所謂亦勤先生者也耆碩萃於一門
滕之父老嘖嘖企望弗置張氏多賢不信然歟

宗族

族

族

族

王文直公

海帆張君家傳

黃以凱

學者之聰明才力胥由天授而人事既盡乃能合天此中庸之所以論誠明論語之所以貴好學也張君海帆余同硯席老友也弱冠時同游高太史湯孝廉兩夫子之門文課彙成以海帆爲最兩夫子奇賞之同學者莫敢望焉以故應督學試恒列前茅十八入邑庠以優等食餼試卷膾炙人口鄉闈屢薦未售也在同人班中無不交口稱譽之教讀鄉里有名學堂既興推爲國文教員年四十三於民國三年一病不

起竟以廩貢終其身嗚呼惜已海帆之於學也聰敏
穎悟而寢饋於經籍熟諳左國史漢八家之文意境
特奇澤筆於古渾灑流轉蒼然淵然太史精深於古
文嘗曰傳吾學者必海帆也而科名旣不可得年壽
又復奄忽遽逝豈數之所定竟非人力所能勝邪則
非余之所知也回視飛翔騰達諸貴人或學異三長
腹枵百氏而達官而顯職赫赫然方且有名於時而
飲食老健並邀康強之福者皆是也吾不解造物之
所以待原憲季次者固別有在而不係乎時運之浮

沈春秋之修短耶吾爲海帆傳爲之傍皇弗甯者累
日亦不自知所以云海帆諱裕瀚張氏吾滕望族曾
祖諱廣平祖諱崇儉文學品望允孚珂里父諱肇瑛
早世海帆以遺腹生同姓昆季數百人惟海帆年最
長子四光耀光陞光地光遠並能自立世其家聲
論曰海帆學人也知爲己不知其他遜志時敏緝熙
光明所期如是而已世之學者或馳騫荒遠而未克
凝神壹志勉蘄於性分之所歸夫豈曰獨行其是也
歟過矣囿於目論而昧厥心箴詎不謬哉

始蓋交國父曰高祖和源心誠重不靈

靈轉靈志以禮效善公之祖體夫豈曰

張即復以收景而曰世之學嘗返軀慈

備曰緝博學天事收益曰不眠其由


吳在四世謙張選張張張張張張張張

早世述神以意國求同製吳季嫂百人

飾福源平胎端崇劍交學品聖武分既

自亦不自取視以云述神精發高世五

此容將心對感非吾錄神神神神神神



義烈總傳

我張氏隸滕籍五百餘年沐善國休風率能敦名節
而重大義在昔孝烈諸公遭明季妖匪陷城之難致
命捐軀載之邑志用光家乘節完義盡至今凜凜有
生氣焉入國朝以來無巍科顯宦而耕田鑿井休養
食息安農桑詩書之業優游於光天化日共樂太平
罔識干戈久矣乃法網寬宏異類伺隙因而潛謀不
軌至咸豐年間妖氛四起煽及西北者爲捻逆熾於
東南者爲棍徒此外流寇幅匪互相嘯應雖屬跳梁

小醜而經過之處焚掠殘殺不可言狀朝廷猝難剿滅命督撫札飭各州縣傳諭鄉紳糾合村衆團練爲堵禦計就便保全室家我張氏族居大吳村人丁繁庶聞諭後不時要約莫不激昂憤發誓共殺賊辛酉三月賊大至本村尙無寨柵平地與之相拒經數晝夜勢莫能支猶多振臂奮呼指賊痛罵不肯逃避故抗節不屈以死者相藉視他村莊被害爲尤酷及王師奏凱縣尊彙死義者申呈府憲轉詳部院奏聞皇上推恩厚卹查守練身殉人等凡有職銜及衿頂者

俱贈武德騎尉準以雲騎尉承襲兩世恩騎尉與國
罔替各地方建昭忠祠春秋致祭安侑英魂併被害
平民一體崇祀曠典之頒生人以爲榮而滕之義烈
祠卽所謂昭忠祠也計同時殉難人員有渠公鄉耆

學時公監牛學宇公學思公學保公廟員培倫公監

生學珍公

弟學宇

學炳公培化公

弟培倫

學楮公學愛公

弟學楮

尙愚公尙審公尙惕公尙肫公尙鼎公

子學宇

尙

元公

子學思

尙琇公監生尙瑾公尙坦公尙展公尙黎

公尙殿公尙德公尙條公尙秀公

子學思

尙胡公尙梓

公尙九公尙康公尙言公尙裔公尙九弟尙圖公學時子

尙悌公尙弼公尙辨公尙審弟廣現廣居廣勺廣友廣

讓廣覆廣協廣心廣訓廣宗廣曾尙黎子廣亞廣敬廣

湘廣量崇禮廣現子俱入祠蟠公廟員學心公尙田公

尙茫公廣義廣友兄廣瞻廣吐廣傳廣念當倥偬之際

查考未的不敢呈請故未得併附祀典嗚呼諸公之

死甚慘而心則有不可沒者雖生平節概難一一數

跡其臨難不苟免秉正氣而扶綱常庶幾與孝烈諸

公後先輝映上下數百年間卽揆諸孟子效死弗去

之意亦無愧善國遺民歟假使當日有險可恃俾成
城衆志扼要固守賊縱凶暴又安得張其燄以肆其
毒乃未獲及此竟致父子兄弟勢窮力竭裂肝碎膽
蹈鋒刃而不顧雖云劫數使然是真可哀也已爰作
義烈總傳不禁執筆歔歔愴然涕下者久之

義烈習之公傳 配生孺人子尙圖附

公諱學時字習之滕西大吳村人父諱峴子三公其
長也剛直重義氣好談忠孝大節居家以樸素爲先
見俗之奢華者必痛絕之嗜讀且工書披吟之暇臨
摹法帖往往神似而出以英挺秀潤求書者戶外之
屨常滿然豐於才而嗇於遇屢試不獲撥一芹晚年
舉鄉飲衆賓筆耨外無他務咸豐辛酉春南匪掠滕
合村團練拒敵衆潰公投井死人無知者數日後猶
子尙珽旋里尋覓始出諸井中面目如生方公之死

也配生太孺人聞難自盡子尙圖號泣呼天指賊痛
罵賊殺之闔門赴難慘不可言亂甫平凡各鄉殉難
有職分及衿頂者蒙敕查贈武德騎尉準以雲騎尉
承襲兩世恩騎尉罔替并被害平民皆予祀典男入
昭忠祠女入貞烈祠春秋致祭恩至渥典至鉅也嗚
呼公雖變遭非常而英靈來享血食不餒千秋永被
馨香一門無慚貞孝洵爲死而無憾者乎而昭忠祠
在滕爲義烈祠云劉西大吳林人父翥贈千三公其

義烈祠之公

頭主諱人千尙圖

義烈德明張公墓碣
族姪 尚稟

昔我張氏遭明末造妖匪煽亂再陷邑城先世孝烈
諸公以忠義著因以彪炳志乘載在祀典表綽楔而
光門閭至今凜凜然有生氣焉國朝褒忠錄善優卹
恩例曠古罕匹咸豐辛酉春南匪蹂躪滕疆殉難男
女以數千計吾宗之罹荼毒者亦指不勝屈然孰若
德明之父子遇害爲禍尤酷哉方南匪之猝至也村
衆悉力拒守巷戰累日賊益麤集來攻圍遽潰執鄉
人榜掠財物公奮臂直前髮怒衝冠戟手指陳大義

賊脅以刃不屈傷兩股瀕死二子倉皇奔救乘間昇
入山林猶日夜罵賊不絕口旣而二子禦賊於途轉
戰敗北並以身殉哀尸原野公聞而創益增劇逾數
夕尋卒壽七十有三時辛酉四月五日也賊退之明
年前任邑侯鄒廉訪捐軀紳民次第上聞公父子俱
蒙旌卹祠祀義烈僉謂英毅之性卒獲血食非倖也
宜也嗚呼士君子讀聖賢書於見危授命之義聞之
熟矣一旦臨難渙忍苟活者曷可勝道死生之際誠
難言哉昔黃石齋有云苟得正死是謂考終若公秉

天地之正氣而取義舍生以視前代諸公赫赫照人
耳目洵足先後輝映也已公諱學思字德明處士豫
川公子幼孤貧奉母王氏無缺禮狀貌魁梧膂力兼
人配馬氏前卒子二長尙元次尙秀女一適本邑劉
丰孫三廣土廣坤廣池同治甲戌冬勒石表墓余慨
公之賈恨以終而又幸其沒世名稱克光前代也略
次行實用示後人

歐陽氏以不...

光山縣...

夫以實...

公之...


半...

夫...

川...

其...

天...



義烈維烺公傳

公諱學炳字維烺羅峯公冢嗣也心誠篤而貌豐碩夙受羅峯公庭訓言語舉動俱端謹不苟羅峯公素嗜飲公親調旨甘用佐卮匜雖至夜分立侍無稍懈幼攻書因家將中落棄而治生勤儉爲諸弟先間爲人謀必竭忠盡慎一派肫摯之氣溢於辭色盖得於天者厚故根諸性者真也辛酉之春捻逆竄入滕境焚掠殘殺不可言狀村中曾奉上憲札飭團練丁壯爲堵禦計賊至公及練丁與之相拒數晝夜以圖保

全然平地制敵大非易事兼之賊人嘯聚日衆勢不能支公遂抗節以死羅峯公聞公之死也忍淚語人曰殺身固甚慘然念其臨難不苟免庶無愧知義者矣聞者皆爲揮涕亂平後縣尊彙呈殉難之人由府轉詳部院奏達朝廷準於各地方建昭忠祠妥其英魂邑人以義烈祠代之春秋致祭有榮施焉公遇害時三十五歲乃咸豐十一年三月十五日也

公嘉學四守兼職羅峯公家國忠小驚誠節義豐節

義烈辭與公樹

義烈瑩軒公傳


公諱尙琇瑩軒其字邑增廣生瑞唐公元孫處士理
農公之子也昆仲二人公居次瑞唐公伉爽明大義
爲族黨所依賴家法綦嚴數世守而弗墜至公兄弟
析居家中落公服田力穡狷介自持尤激烈尙義氣
無儋石儲宴如也咸豐辛酉春南匪猝至所過燒掠
邑奉上憲劄舊有鄉團時結陣相拒賊騎圍之數重
公旣在圍中急未可脫乃奮臂大呼舉刃向賊欲衝
突出而彼衆我寡難與爭鋒身被數創迫之降不肯

義烈萃含公傳

公諱尙瑾字萃含太學生仲全公冢子也性剛毅直言勇行不爲勢屈每談古今節義亶亶忘倦遇事有不平輒怒形於色少攻書聰穎異常作字迻勁而有法後因太學公年高遂廢學肩家政納貲爲國學生旣席先世舊業益勵勤儉家庭內外胥井井有條督傭僕耕作恒戴星出入蓋凜古人無逸之訓知其艱故弗覺勞也太學公嗜酒公奉盤進卮至夜分不稍怠窺微怫意益加謹俟色和乃退太學公即世與弟

尚塚同居友于甚篤十數年如一日信乎剛而明禮
義者咸豐時捻匪倡亂蹂躪中土殆徧上憲札飭各
州縣糾鄉民團練堵禦當其時赴義捐軀肝腦塗地
者相藉也辛酉春三月侵掠至滕邑里灰燼公約本
村鄉團設計防守冀暫保全奈無壁壘日漸不支又
以寡敵衆遂紛然瓦解一時身殉者二百餘人公卽
以抗節不屈死其難年僅三十九歲難甫平縣令彙
死義者上其事上憲奏聞皇上推恩厚卹準於地方
建昭忠祠妥其精魂凡職員舉貢生監各敕贈武德

騎尉並以雲騎尉承襲兩世恩騎尉罔替於虛一時
盡節千古垂名俎豆馨香永世常享茲之殉真不朽
矣揆諸公之生平義氣慷慨赴敵烈烈英聲可以無
憾又蒙恩賜卹廕列之祀典允足與先代孝烈諸公
相輝映然當其殉抑何毒且慘也邑之義烈祠卽昭
忠祠云



義者成豐時捻匪倡亂縣中士殆無
 州縣糾鄉民團練堵禦當其時赴義
 忠師行也辛酉春三月侯城圍邑里
 臥獄州然當其時何濟且對忠臣之
 烈父蒙恩顯泐刻於之碑與武臣與
 文對藩公之坐平彝隸獬獬扶嫡庶
 盡爾千古垂谷根豆馨香永世當
 觀操並以雲龍操承襲兩世恩觀操

義烈星閣公父子雙節傳

公諱尙藜字星閣敬言公之次子也敬言公性情鯁直慷慨持大體每遇義舉言人所不能言任人所不敢任族黨悉倚賴之教家尤嚴肅嘗以忠孝相勸勉公幼承庭訓尺寸不許隕越就傳授書極聰敏目下數行日盡千百言且強記不忘尤喜讀左氏春秋傳暇時與人談某篇某事輒琅琅背誦不遺一字咸豐十一年辛酉妖氛四起風聲鶴唳到處驚惶朝廷以太平久民不知兵敕地方官命各村團練防備叵測

大吳村人丁最衆敬言公朝夕指陳大義談及明代
孝烈諸公遺事公每激昂憤發對衆流涕然用武非
易村中又無險可守賊蜂擁至勢不得不紛然瓦解
公素遵父命不肯逃避遂遇害年三十有八長子廣
曾時未及冠持兵向賊欲尋父仇亦死之賊殺人如
麻犯其鋒者相藉若公之父子俱殉何尤毒且慘也
及官兵平復奉上諭準殉難者崇祀義烈祠各州縣
遵敕建立每歲春秋致祭以妥忠魂曠典之頒公父
子俱與其榮焉嗚呼公本一介書生甘蹈白刃爲公

傷者莫不爲公恨由後觀之英魂靈氣陟降烝嘗身
既享時升俎豆之馨子亦在能執干戈之列公之死
於焉不朽公之死卽可以無恨而仲子廣林及三子
廣修皆克自成立云

附墓表

族弟 尙勳

公姓張氏諱尙藜字星閣蓋辛酉之亂守練陣亡
崇祀義烈祠者也曾祖諱若材祖諱嶮父諱學訥
字敬言性直行方素爲族人所倚重生三子公其
仲也幼聰敏讀書十行並下強記不復忘廢讀後

數年每遇村中學子日夕自塾歸詢其現授何經
輒琅琅代誦數頁笑問曰是否尤嗜左氏傳與人
談及某公某年某節某事口講指畫無一字遺誤
令人聽而忘倦方公之向學也偕同硯競讀一日
所習他人十日不能逮塾師以遠大期之乃具此
奇才青年喪亂未竟所學旋死於鋒鏑惜哉命也
夫敬言公庭訓嚴恪守之不敢隕越及接人和平
坦易一洗拘滯氣族鄰無少長皆樂與遊處淮亳
捻匪之將至也鶴唳風聲衆洶洶如鋌鹿公慨然

曰草寇耳何能爲若相驚以走團練誰與守率子
廣曾持兵以待人皆壯之無奈賊氛惡甚封豕長
蛇猛不可當衆潰父子同殉何其慘也嗚呼烈已
夫人伏處鄉里不獲大展其志與學泯泯殆盡幾
草木同腐耳若擅一節之長已足勒金石以垂不
朽况公之慷慨赴義執干戈護村閭不濟則以死
繼之正氣凜凜與明世孝烈諸先正上下輝映於
數百年間孔門云士見危授命洵當之無愧色矣
公生於道光四年十二月初四日寅時三十八歲

殉難時咸豐十一年三月十五日也配韓氏後公
五十二年卒壽九十七歲子三長廣曾隨公殉次
廣林出嗣長支三廣修孫崇竝崇籍崇範崇節崇
管崇符崇篆曾孫肇琇肇瑋肇璋肇瑚肇玲肇琴
肇璉肇珂肇金肇銀

義烈翼廷公傳

公諱尙弼字翼廷隱之公仲子也隱之公有家法公故嫻於禮教其於生死存亡之義聞之稔矣少讀書天姿不過中人而綽有才辨人咸以克家目之於咸豐辛酉殉捻匪難先是粵逆倡亂江南北焚掠幾遍浸逼東省近縣金嘉失守會鄰某貿易自金返身被重創公詢知其事輒慷慨太息曰猶幸得生還耳彼刼之不從而死於賊者不知凡幾也戚然者久之及捻匪至滕大肆騷擾公隨衆堵禦臨陣執戈英氣勃

勃乃賊勢方張未能相抗甫交鋒衆如山倒同時遇
害者六人公卽結纓以殉時三月初九日也年僅二
十五歲揔平後朝廷厚恩賜恤崇祀義烈祠焉

附墓表


滕縣教諭王復祥


豐義烈張公諱尙弼字翼廷滕之大吳人父隱之公
天舉丈夫子二公其仲也幼承庭訓敦名節甫授書
始卽明大義遇古人忠烈軼事輒慷慨歔歔曰大丈夫
公夫舍生取義視臨難苟免者何如也未弱冠失怙
義事伯兄恭而和咸豐辛酉捻匪竄滕所至焚掠里

問幾墟公糾衆捍禦奮不顧身奈賊燄方張寡不
能敵甫交鋒衆紛紛潰公抗節不屈遂結纓以殉
時三月初九日也年僅二十有五倉皇具櫬權厝
先人之側難平朝廷推恩厚卹崇祀義烈祠德配
杜孺人太學生諱茂女子歸時年方二十性淑婉
事衰姑克盡婦職逾七年夫死於難無子遺一女
尚在襁褓孺人憫所天之不永於年且身罹鋒刃
之毒也日夜哭泣誓侍亡人於地下姑再三勸諭
之始輟涕起視事持家務勤儉御下寬而有法以

故門內肅然旣析箸家中落撫伯氏三子廣堯爲
嗣惟諄諄以弗墜箕裘爲訓年逾七旬猶井臼親
操雖衣食粗糲晏如也廣堯卒孫崇錦甫成童以
養以教俾克守先業族黨稱賢德焉光緒三十四
年由學具稟奉旨旌表越五年癸丑正月八日無
疾而終距生於道光十五年享壽七十有九二月
之吉合葬義烈公之墓嗚乎矢冰霜五十餘年含
辛茹苦大節常昭與公之捐軀就義血食千秋洵
堪誦芬勿替云予司鐸來滕與士君子遊得聞公

暨孺人事實謹序次之以勒貞珉





聖無入專實滿引未之以得開公

義烈尚辨公傳

庠生 段克佑


嘗讀歷代史策見節義所著不必盡有官守之人亦不必盡明詩書之士卽草野匹夫猝遇非常行其心所素安而竭其力所能爲正氣凜凜遂足光日月而壯山河古如是今亦有之乃作尚辨公傳公諱尚辨字叔明毓平公第三子剛直多膂力遇不平事輒扼腕憤激怒形於色有一腔血灑向何處之概咸豐十一年辛酉小醜跳梁號爲捻匪三月間大掠滕陽肝腦塗地者相藉公所居大吳村被害尤酷先是各鄉

奉上諭團練以便合剿匪類賊至時公奮身與決挺
鎗轉戰連斃數賊賊圍之數重不敢逼且愛公驍勇
溫語使降公戟手罵曰汝所爲逆天不日當卽殄滅
我張氏世傳節義此堂堂七尺軀安肯受辱於賊黨
乎速殺我我生不得食汝等肉死當爲厲鬼以奪汝
魄賊見終不可屈鋒刃齊加身幾碎裂嗚呼公之死
洵至慘矣而公之心則何壯哉視古之孤城失守援
絕力竭惟拚一死仰答國恩者何多讓焉賊平後縣
尊奉旨建義烈貞烈兩祠崇祀殉難男女諸父老談

及公殉難事覺至今凜凜有生氣云卒年二十有三
無子族議以兄子廣孚爲之嗣



諸公厥績嘉慶至令萬萬有出論元率等二十百三
 無千嫩蕭以凡千與半金之圖利
 海平德文廟公之心
 我親民
 手遊
 親
 海
 無
 以
 公



表誌

太學顯西公暨王孺人墓表

漣

族叔祖顯西公諱著漣與共筆硯者數年維時公甫
逾冠也莊重之概早爲同學所推服旣以母衰兄逝
棄帖括業肩家政持身涉世益務恭謹才識足以有
爲而虛懷商確必先嚴於不爲由是品望日隆族黨
中咸倚賴而奉教焉公率以守分循理爲諄復遇有
爭宛轉開導剖其情卽有以平其情丁酉屬漣編次
族譜迨稿定授梓公綜理其事由督工而告先而分

給悉合於宜往往公貲所不敷自出金應之更倡族
為社以供宗祠之祭且戒以齋宿承事至今人知報
本樂於奉行公嘗曰凡事惟求有濟耳以一人之見
當衆人意弗能也以衆人之議沮任事心不可也嗟
嗟公之沒十餘年矣回念生平風規固猶在目前視
夫才智自矜或至輕舉債事者其為人賢不肖何如
也公為庠生子安公季子生於雍正八年十二月二
十六日卒於乾隆五十一年四月初七日享年五十
七歲配王孺人邑貢諱維烈公女生於雍正七年七

月二十六日卒於乾隆三十七年九月十五日享年
四十四歲子四長若楫次若杰次若棗次若木孫甫
六峒嶰岢嶷女二長適太學鞏學鵠次適四氏
庠生孔繼炅

...

...

...

...

...

...

...

...

...

...



太學君與公墓表
泗水人于正冠此皆楊
黼黻與

明天崇間有爲御史而直聲震天下者曰張公盛美
盛美子安世安世子茂茂無子族議以奠子繼茂於
是君與公得主御史之祀君與諱體強奠之三子也
承嗣時甫九齡奠誨之曰御史歷官中外田僅百畝
汝今嗣御史其尙毋墜公受命不敢忘成童後略窺
書史覩田園荒廢慨然曰吾嗣御史而粢盛或缺於
供非孝也且河干力穡於御史不爲辱乃躬親耕稼
務盡地力蓋數十年而家日羨又念厚福不可以自


擁則推所有以濟貧乏姊妹之不能自給者爲之築
室爲之置產歿爲之治棺營葬甥爲之授室爲之勸
學纂修族譜爲之倡議輸金敦篤誠切類如此其遇
事也必咨議定堅守之或以更張請輒曰某已教我
矣終不變黼幼時先人爲稱御史軼事爰及嗣人後
得拜公於家讀御史書公一見即瞪目熟視曰楊氏
子異凡兒今忽忽二十年略無短長不能測量御史
高深恐終傷公知人之明表公墓其能已於悲哉公
享年七十有四配邱孺人子五孫九皆向學宜有興


起者

古漆張氏族譜

表誌

四





Faint vertical columns of text, likely bleed-through from the reverse side of the page. The characters are largely illegible due to fading and the quality of the scan.

容衆公暨屈孺人合葬墓表

漣

公諱有度字容衆太學爾康公三子也性樸誠和易
與人無爭治家以勤儉而不務銖積凡事關大體皆
竭力爲之襄宗祠祀事二十餘年水木之思油然而
陟降之際協修族譜自採訪而版刻而分頒經理其
事始終罔倦往往出家貲佐公費所不給曾祖連城
公藁葬宅旁園內公以歷年旣久不忍檢骨再遷廣
其地爲塋建石題名而高祖暨祖父墓前皆先後置
碣嘗曰子孫而使先人之兆久而就湮何以爲心也

生平仁愛存心嘗施藥餌濟人有求輒應一時感戴者不可勝數今天子御極之元年加恩耆老賞以品級有差時公年八十有二得膺八品之榮又五年公舉元孫符旌獎例戚里製五世同堂匾額申賀族弟姪爲詩文以紀其盛積善餘慶於公其有明徵與公卒於嘉慶甲子距生於康熙乙未享壽九十歲配屈孺人治家勤慎先公卒子汶汜湘以甲子十月合葬大吳里北原謹次其概俾刻諸墓門之石

公曾祖人台表表

數

叔父魯珍公暨叔母

呂孫

孺人墓表

漣

叔父魯珍公諱體璠爲先祖貽贈公第五子性方質而儉約自守一介不苟取與幼患目疾廢學貽贈公口授算法一書遂刻意求之精於其藝有置產析產者浼公清丈不爽毫絲每以此息人之爭生母沒議破遺產以襄事公惻然曰此先業也耕耘儲蓄之責我任之卒得營葬如禮產仍均分中年後悔讀書無多於是非之界辨之弗深乃取通鑑綱目日誦之考質於治亂成敗得失之際義有未解虛衷審問旣解

則詳說以昭勸規往往賓客在座族黨聚談一編猶
在手也公卒於乾隆壬寅春二月壽六十有二葬先
祖墓右元配孫孺人早逝繼呂孺人恭慎勤勞率諸
子成家尤以仁厚垂訓卒於嘉慶辛未冬十二月壽
八十有二以明年冬十一月合葬嗚乎公之卒三十
有一年矣生平行誼里黨猶稱道之敬次其概碣於
墓以告後人

姊父魯公曾姊封昭誥人墓表

碑

承乾張君暨節孝滿孺人墓表 魚臺馬邦舉


君諱體坤字承乾姓張氏世居滕曾祖考諱繼美庠
生曾祖妣孫氏祖考諱信庠生祖妣劉氏滿氏李氏
生祖妣黃氏考諱炎太學生妣周氏世積厚德克承
家訓太學君五子承乾第四生於雍正癸丑幼端重
未冠如成人刻苦讀書爲族人所重卒於乾隆乙亥
年二十有三葬大吳里北原嗣子涵嘉慶戊辰舉人
孫學杜郡庠生當君之初沒而將葬也宗族耆舊哀
其早卒賈志未遂共爲誄詞以抒悲哀其詞曰嗚呼

季子珪璧其質蘭蕙其年幼弱敦敏視履平平胡天
不弔早世隕顛嗚呼哀哉君年二十一時娶妻滿氏
同邑太學生諱淳公次女與君同年生歸逾年日夜
侍湯藥及君卒誓以死殉媿王氏苦勸止之曰嗣尙
可待且舅姑皆懸棺於堂事豈了邪遂以己女爲之
女君兄體泰女也君以嗣薦於鄉待贈文林郎配待
贈孺人方孺人之未歸也孝聞於鄉及寡事母衣食
依時供給性恭謹苦節三十九年以沒初舅姑將葬
伯叔欲自營辦孺人泣曰吾代亡者於是出其紡績

餘貲以助不逮孺人年五十時叔體晉有子涵命爲
嗣涵在襁褓愛逾已出以養以教旣竭心力乾隆六
十年十一月十八日無疾而終與君合葬道光七年
十一月魚臺晚生馬邦舉聞之太息曰嗟乎可謂女
宗矣我朝褒獎節孝以勵風俗是宜請旨建坊以彰
德義請主入祠春秋享祀

不帶早世... 同邑大學... 辦壽... 宗笑... 十一... 平... 嗣... 翁...

翁贊以此不... 翁贊以此不... 翁贊以此不... 翁贊以此不... 翁贊以此不...



穎川張公暨邱孺人合葬墓表

王思崇

公諱澄字穎川英敏士也少嗜詩書儒林咸重之以爲此遠到才也屢試弗售援例入成均年甫三旬竟去世未獲卒厥業一時文人學士莫不流涕焉孺人志柏舟撫遺孤以母代父教養備至而克勤克儉有一無二之心確如也夫世之負異材敦大節卓然克自樹立卒以壽之促遇之艱湮沒于荒煙蔓草間不獲聞於當時傳於後世者何可勝道此有志表章之士所爲扼腕太息而不能已也故不敢以固陋辭

士視氣賦麟太息而不語曰出姑不煩以同歸

藝圃外當朝朝外遊世香何可繼直此有志

自樹立卒以壽之安眠之曠野好干荒蕪蔓草間不

一兼二之心猶取也夫世之負異林尊大節卓然克

志臥伏猶數履以壯升父博妻謝至而克謹京劍首

去世未幾卒淵業一初文人學士莫不流涕誦誦人

欲此豈除木也與矯非書發附人知自平甫三回竟

公籍登宇蘇川英燁士也少習精善謝林如重之以

蘇川斯公暨和諸人合葬墓表
王思崇



山有張公暨配楊孺人墓表

劉聯奎

太學生張公諱溱字山有舒光公之仲子也性至孝
奉事高堂先意承志得兩大人歡伯仲之間友于彌
篤式好無尤務氣節敦交游以故門多長者車春秋
佳日與二三知己杯酒談心灑脫之概蕭然有逸士
風其視功名富貴之場淡如也惜天不假年僅登中
壽公沒時子學詩字庭訓甫弱冠德配楊孺人克庀
家事區分劃然歷十餘年上得順親之樂下蒙垂裕
之庥而庭訓公亦克自樹立援例入太學孺人之正

內以啓後人庶可使生者無愧死者無憾矣胡蹇運
迭呈庭訓公復不永年孺人撫育弱孫尙簡尙敘艱
辛備嘗雖年逾古稀終不以衰老辭今之蒙業而安
者賴孺人竭蹶圖維之力也因總其生平援筆爲之

序

山有靈公習誦對靈人墓表
太學少師公藍勳字山有諡文公之稱于世世至孝
家高堂公爲承志歸兩大人憐恤之固文于疏
獄大獲無大憲原道交親以並門冬身香車春煇
山有靈公習誦對靈人墓表

嵩高張公墓表

魚臺馬邦玉

公性張氏諱沈字嵩高行三曾祖向恭庠生祖偉庠
生考體頤庠生妣王氏例封孺人公生於雍正元年
癸卯幼失怙奉慈訓維謹晨昏承顏無少間伯兄澄
仲兄溱俱太學生中年繼沒公教養兩猶子俾克成
立待兩孀嫂有加禮一妹適楊門早逝太孺人痛悼
子女淚或盈眶公必委宛譬解恒至破涕爲笑時論
擬之斑綵之娛及太孺人以大年終公哀戚毀瘠率
姪輩經理襄事竭力致慎舊塋墮地頗隘乃卜新阡

遷父柩合祔焉賦性冲和諳事故凡爲人謀必剖晰
可否務得機宜族黨咸資賴之卒於乾隆三十八年
癸巳享年五十一歲元配孔氏繼配孫氏俱有淑德
子四學易學文學優學古女一適鄒邑庠生李爲典
余與公家誼屬姻戚夙仰儀型令嗣走狀來請不容
辭謹爲次序大略以付鐫刻

嵩高張公墓表

庶臺張氏王

雨田公墓表


族弟 涵

族兄雨田諱溥儒林郎諱體凝嗣子太學體略子也
始吾張氏自忻遷滕六傳至西滕公以縣令起家方
伯侍御繼之皆前代達人十二世而爲儒林公公讀
書試數不售去而治生家日以起晚年厭繁冗委家
政兄承顏順志公與配黃安人咸安之嘗與客飲而
醉旣醒見儒林公顏色少異遂痛自責終其身不多
飲飲亦不形於色後相繼丁內外艱哀毀骨立黽勉
襄事凡分得爲力能爲者竭誠盡慎無遺悔及至葬

往慕反疑觀者皆太息以爲深得禮意席先世豐業
而自奉以儉施與則從其厚戚黨貧乏仰以謀生者
比比辛未壬申間歲比不登菜色遍閭里升斗之求
悉應之無吝容並無德色少年爲學困於質而孜孜
不倦於古人善言善行輒手錄以銘座右與人處寬
大和平無所不容有以田產誣訟者聞之曰是誠妄
人不足較然彼以貧甚故至此此情深堪憫痛也周
之厭其欲某感激而去初儒林公之擇嗣也兄時年
十六七已明大義懼無以承伯父志且慮於本生或

虧子職及其後生而養歿而葬而祭孝敬祥順克紹
前業人咸謂儒林公爲有子而本生兩大人之康強
安泰怡怡然樂而忘老者亦色養有以致之也遵儒
林公遺命援例授布政司理問銜請賜封以成公志
嘉慶癸酉正月十一日以疾卒年五十孤子學武以
乙亥十月卜葬儒林公墓左予旣悼逝者追念懿行
列叙之以揭於阡

而自率以...
 既錄之以...
 已...
 敬...
 休...
 定...
 前...
 謝...



省愆張公暨配孫孺人墓表

馬邦舉

公諱學易字省愆姓張氏滕人乾隆十年生四十年
八月十九日卒曾祖偉庠生祖體頤庠生考沈妣孔
氏繼妣孫氏公三歲喪母繼母恩愛至篤公多病巫
醫罔效母孫撫摩應手立愈及長友愛諸弟信於朋
友友人蓋姓交遊至厚初公一女蓋欲爲子恒德求
婚未許蓋卒遂許之公性好潔庭除整肅出入有禮
諸父諸兄謹其言行父沒哀毀如禮事母定省始終
不懈病弱歲餘及篤歎曰不能報母恩萬一乃重母

痛因泣卒年僅三十一歲無子弟學古次子尙醇祖
母鍾愛命定為嗣德配孫孺人同邑太學生南英公
長女生於乾隆十一年事舅姑克敬克慎諸娣姒相
處和順嗣子四歲撫育周至俾克成立苦節三十六
年嘉慶十九年五月十二日卒合葬大吳里北原於
戲公溫惠愛親秉德不回族黨重之孺人貞靜自守
孝慈謙退允為女宗謹表

曾憲公曾領節婦人墓表

續表誌

奉祀生元衡公墓表

奉祀生張公諱嗣美字元衡父諱養勇養勇公五子
公其長也祖父皆葬東塋公未獲隨葬卜兆於東吳
村之北原公子二人長安世出繼大經公曾孫盛美
公光美公嗣次世英字廷俊世英子三人長永柱次
永存次永位四公皆附葬公之墓側再傳至有政同
堂兄弟十有三人有政無子其胞弟有忍之子諱管
隨其父遷居滕東五里坂管子學法一人學法死遂

絕嗣六世之系詳載家乘但五公之葬歷年既遠又
無後人今已不能詳指五墓之處恐至日久塋基亦
湮沒無聞矣非同宗者之責哉茲有祖塋賣樹餘貲
公議勒石以冀塋地之長存云爾

蘇夫誌

繼功公墓表

張公諱興世字繼功明邑庠生允美公子也公子震
鼎震鼎子四人鎬鏞銑錫鏞郡庠生鎬子國楨鏞子
國珍銑子國連錫子國瑞國楨子學魯學衛學鄭學
吳國珍子學驥國連子學懲學惕國瑞無嗣學鄭子
尙輦學吳子尙存學驥子尙衍學惕子尙青今猶存
者尙存子廣瑚尙青子廣沈庶綿延於勿替焉光緒
十有三年仲夏族議立石

在泮公墓表

張三公諱在泮庠生衍美公之孫酬世公季子也伯
兄在雍一子祥無後仲兄在均出嗣公卽承衍美公
一支公無生子嗣子有師葬公之側有師子濞遷居
滕東南之托里村更立新塋濞三子學路學選學發
孫曾益衆但去鄉百里恒數年或十數年不一至塋
祭掃恐久而就湮失塋田所在因祖塋餘貲公議勒
石以誌之至于姓世系有族譜可考

張三公墓表

露公墓表

張公諱露克勤公之三子也克勤公葬東塋公未隨
葬與元配劉氏卜葬斯土公子諱有仁亦祔於側有
仁三子長洧次灑次濡灑與濡無嗣洧子學零學零
子尚言尚雨兄弟二人沒皆無後今因祖塋賣樹公
項族議於絕支之塋皆爲勒石用以誌不朽云

子尚言尚雨兄弟二人沒皆無後今因祖塋賣樹公

項族議於絕支之塋皆爲勒石用以誌不朽云

項族議於絕支之塋皆爲勒石用以誌不朽云

靜芳公墓表

張公諱謚字靜芳清世公之孫諱霆字如電公之三子也配馬氏子一諱建基建基二子長諱學宜次諱學哲學宜子尙運尙欵學哲子尙荏尙澣尙欵子廣轄不知所往餘皆無嗣自公至尙運兄弟歷傳四代祖孫八人俱葬斯塋族人憫其無後恐歷年久遠墓地榛蕪又無碑碣可識不能辨為某氏之塋因祖塋餘有公項爰為立石庶不至湮沒云

張公墓表

張東塋公未刻


太學生攸同公暨甘孺人墓表

馬星壁


先生姓張氏諱灃字攸同太學體義嗣子體道次子也體義忠厚長者事兄尤謹天倫至性彌老彌篤同居五十年未嘗自專一事年六旬無子以兄之次子爲子卽先生也先生幼端重初就傅衣冠言動如成人及過房任家事循例入成均益務勤恪承顏順志得堂上歡心與外接尊卑長幼秩然有禮自是族黨中無不愛重乃年壽不永於嘉慶九年六月二十五日卒年四十有一子職終身未獲多有表著遠近惜

之配甘孺人邑太學文德公女事舅姑以孝聞治家
井井有法後先生三十三年卒道光丁酉十二月十
六日也年七十有三子二學存學泰俱監生女一適
劉清平孫六學存出者尙齒尙爵庠生尙祐尙毅尙
式學泰出者尙亨曾孫廣含廣容尙齒出廣圖廣煦
廣寰尙爵出廣喆尙祐出廣魁尙亭出以道光二十
七年二月二十八日合葬大吳村北之先塋旣葬學
存請爲表墓余惟先生以醇實之質恪守禮法不染
世俗浮薄習氣宜永年而逾四十遽卒後必有興起

者今諸孫皆向學尙爵已入黌序成就未可量因以
歎先生之遺澤長也



... 賦... 詩... 卷十一... 十九




羅峯公暨黃孺人合葬墓表
族姪孫 尚鼎

我張氏籍滕四百餘年先世宦績學行光耀志乘尙
己否則多以隱德稱若乃敦本尙實長厚孚梓里儀
型示子孫嘗於羅峯公見之矣公諱鄴羅峯其字太
學顯西公孫處士近仁公仲子景梁公之嗣子也幼
讀書家中落去而治生事母順謹於本生亦不虧子
職兄卓峯常貿易遠方公奉養兩母依依一堂數十
年無間前後喪葬胥如禮兄子少無恒業代謀生計
俾克成立同堂兄沒孤孫貧弱撫恤周至併爲伯父

墓前置碣篤於至行類如此負性坦直推誠接物胸
無城府遇事識大體爲人謀務殫心力勞瘁不辭嫌
怨不避嘗自謂禮義不愆何恤人言族黨事無鉅細
多倚賴焉持身嚴正嫉惡若仇無敢干以私聞人過
舉輒面責之或有一善稱獎不置居恒述先正格言
諄諄爲後生勗五旬後循例授至聖廟啓事銜同
治二年九月九日以疾卒春秋六十二配黃孺人邑
庠生諱楨長女嫻圃教隨公承祧敬戒相莊操作悉
躬親之紡績縫紉至老不倦卒於光緒元年正月初

八日壽七十八子長學炳咸豐酉辛殉南匪難祀義
烈祠次學烈次學襄孫尙聞尙榮尙閔尙閑尙然尙
焯昔蔡中郎有言先民旣沒而德音猶存者賴之於
見述也追叙行誼用表諸碣銘曰先人卜兆居鳧之
陽服疇食德詩書農桑維公繼世保家之良守真抱
璞履潔懷方鏤茲貞珉誦芬勿忘

無城府過事... 無不... 與... 綱... 良... 舉... 際... 人...



堯章公墓表

張公諱學煥字堯章邑增生曾祖諱蘋庠生祖諱若
梁庠生父諱乙庠生歷世文學相繼公性聰敏讀經
史過輒不忘甫冠入黌宮試輒優等而屢困棘闈僅
以增廣終士林惜之公始祖諱瓚明初自山西忻州
遷滕葬艾湖塋二世至六世俱葬城西關塋七世祖
諱中鶴明督府贊畫官葬大吳村之北原後數世俱
隨葬焉公病時屬其子曰北塋地狹我沒葬西關塋
今遵公命公生於乾隆癸卯年卒於道光三十年十

一月十五日配王孺人邑庠生諱懋勳公女生於乾
 隆庚子年卒於咸豐三年九月初六日男三尙年尙
 倦尙惕女一適市莊孫端素孫六廣敕尙年出廣綏
 廣敕廣敏廣敦尙倦出廣效尙惕出咸豐四年歲次
 甲寅孟夏受業族弟郡庠生學均謹表

史鑑神不志南族人贊宮為神靈等而風
 粟利坐父藍心半坐烈州文學縣公村
 鄰公結學熟字與章邑似坐骨脈痛
 癸章公墓表

敬言張先生墓表


馬星翼

先生諱學訥字敬言姓張氏滕縣大塢泉里人曾祖諱莪祖諱若材世有積德本生父諱岫母氏劉父諱嶮母氏王先生性至孝事二親無閒言少好學嫻詩文師友目爲大器乃困於塲屋以鄉飲賓終生平好善樂施勇於赴義鄉邑咸稱長者曾一至京師入國子監敬將遠祖前明藩憲中鴻公道長盛美公科目題名碑手錄以歸又聞藩憲公在中州有石刻文字即往河南開封摹搨全文增入家乘家乘久未續纂

復倡議補緝無濫無遺數年始竣工祖塋旁有隙地
坑坎日深卽募工填塞之開拓數十弓族人便之咸
豐七年大饑首倡族衆量戶出貲全活無算其他濟
窮瘞旅事更不勝書咸豐十一年遭南匪大劫闔村
築圍堅守老弱得保無恙皆先生擘畫督勸之力也
方急時晝夜巡行繕完補廢數月不懈卒以勞瘁邁
疾不起年七十有五先生初襲舊業稱小康旣而中
落好義無倦於舍旁曾築小園榜曰枕泉與友人梁
君汝霖趙君伯虔輩爲詩酒會有枕泉倡和集若干

卷藏於家於其卒也親故友朋贈詩哀挽者數十家
族姪尙貞尙高等爲作行狀貽其令嗣尙睿尙馥併
丐余爲墓表余愧無文顧欲附名碑尾爰據事實約
略書之無敢虛飾以告來者

復借諸君無不樂道數年始竣工...



豐七年大饑首倡放賑重負出資全活...

病瘵旅事更不勝書成數十年還南...

築園堅守老幼得保無恙皆先生學...

翻書之無類編繪以告來者數月不...

五余發墓表余將無文顯解桐各...

越對尚真尚高學益於梓州領其...

夢寐於家筑其卒也縣姑丈照韻...


郡庠生畫野公墓表

人生不獲表見於世而力學端品老而彌篤貧且益
堅斯足楷模士林矜式鄉里有以信今而傳後已族
伯畫野公諱學均太學迭榮公孫郡增生鍾秀公之
仲嗣也幼承家訓善體親心父沒侍母段孺人病數
年奉膳嘗藥竭誠盡慎且執弟道謹與兄古田公先
後遊泮得補郡諸生一堂之上怡然秩然事無鉅細
恪懷兄命天顯之念真摯形於辭色讀書務求根柢
潛心經史兼涉諸家於詩古文辭嗜綦篤偶有所作

渾樸之氣溢楮墨間素性伉直容止方嚴與人接落
落然不徇時好而曲誘後學懇切周至憶辛酉壬戌
間時事多故每相過從輒舉五代史一行傳稱鄭李
諸公軼事嘖嘖不置蓋公以古人孝友修於家風行
於天下厚自期許而欲卽已及人者意更深遠也持
躬尙儉約淡於榮利居恒無儻石儲處之泰然晚年
日事陶詠手持一編寒暑不輟積詩文成帙藏諸家
光緒二年十二月初三日無疾而逝壽八十有四屬
纘之頃猶吟哦不絕口誠所謂好德終命了然於去

來者矣略次行實用示後人庶我張氏子姓念老成
典型知所景慕云公元配李孺人繼杜孺人聶孺人
子尙昺孫廣輕廣軌女適楊家政光緒三年丁丑孟
陬族姪尙鼐謹表

之氣流精... 素性... 直容... 止... 方...
 精然不... 時... 好... 論... 後... 切... 周... 至...
 間... 時... 事... 多... 故... 每... 相... 過... 從... 職... 之... 五... 代... 又... 一...
 請... 公... 職... 事... 噴... 噴... 不... 置... 策... 公... 以... 五... 人... 義... 友... 信... 於... 家... 風... 行...
 於... 天... 下... 厚... 自... 期... 許... 而... 欲... 即... 已... 公... 人... 有... 意... 更... 深... 遠... 也... 持...
 姻... 戚... 敦... 尚... 廉... 蕪... 夫... 居... 恒... 無... 懈... 有... 備... 處... 之... 奉... 終... 晚... 年...
 年... 尚... 長... 新... 潤... 輝... 潤... 博... 文... 蘇... 謝... 家... 如... 水... 滌... 已... 卒... 年... 世... 孟...
 典... 墜... 眠... 泯... 景... 慕... 云... 公... 元... 頭... 李... 謙... 人... 繼... 林... 謙... 人... 品... 謙... 人...
 來... 善... 矣... 訓... 火... 行... 實... 用... 示... 於... 人... 熟... 非... 難... 矣... 乎... 抄... 念... 善... 矣...



十夫張公暨楊氏合葬墓表

甘咸和

處士張君諱學獻字十夫例貢生海門先生仲子性剛介不慕浮名蚤歲業儒屢試不遇後兼理家事服御樸素而喜周人急事親篤孝丁外艱斷酒絕嗜好遇母有病日夜侍湯藥久弗懈卒年三十有三戚族里黨無不流涕配楊氏邑增生諱懃公女有淑德善事舅姑相君成內助當君之卒也氏念姑老子弱義不得身殉迺以婦代子職母兼父道事姑益謹訓子尤嚴少有過輒譴責不貸雖家不中貲而歲延名師

恒夜績篝燈課讀或命構文藝脫稟方許退以故子
尚鬻列國學尚翁尚翥同入泮尚翁旋以優等食餼
僉曰得諸母教者多也居恒勤儉持家門庭肅然壽

六十八歲卒去君沒已三十有五年矣嗚呼君以壯
年早世賈志未遂卒賴內夫人之賢以成志而代終
雖古稱陶歐奚多讓焉余誼關中表謹略次以書諸

石介不慕利名蚤歲業謝風矯不取於兼聖家奉顯

顯士斯昔籍學耀宇十夫附貢坐齋門求主軒于卦

十夫斯公贊謝丑合裝裝表

甘頌味

誥贈奉直大夫布政司理問銜益齋張公暨王太宜人合葬墓表

族姪孫 廣寅

公諱學凝字益齋姓張氏世居滕之大吳村至公祖端持公始移居東塢村代有隱德父貤贈奉直大夫季波公舉丈夫子三公其仲也伯氏學沈公蚤世叔氏學蘊公篤友于誼公與同居奉贈公克供子職後食指繁乃析箸叔氏奉贈公於舊居公移於西街宅相去約里許公晨夕侍起居無間甚得堂上歡心及贈公歿若殯若葬盡禮盡哀旣悲伯兄蚤卒寡嫂呂

續引日旂詩 卷一 一
繼亡以已子尙昂承其嗣又念先人未膺封典報捐
布政司理問銜得封贈如例一時族黨稱孝友焉蚤
歲讀書有穎悟才爲文清麗超脫鄉先達多器重之
然數奇不遇遂絕意進取援例入成均因而治生席
先世業田僅數十畝旦夕勤勞復以儉濟之不數十
年而家隆隆起尤樂推解戚黨貧乏者賙卹之不稍
吝某貸數百金不能償卒焚其券每語人曰富貴窮
通命也強求之則恐不勝其擾又曰人莫爭眼前晚
節末路始足見眞品嘗有句云桃李祇爭春色麗松

柏每到歲寒堅但將耕讀紹先業遇合從來任自然
公其見道之深者邪故自攄其胸臆如此其生平嗜
讀至老不倦歲延名宿課諸孫間亦自爲指示諸孫
亦克承厥志八旬後精神矍鑠時取有正味齋詩雜
誦數過陶然自得幾不知其老者他如助軍需輸貲
修道一書院爲社長倡捐倉穀各義舉當事者每稱
爲好義君子茲不備紀公原名學瀛字仙洲後易今
名於光緒十三年三月二十九日卒壽八十四歲德
配王宜人邑舊族諱金盤公女相公持家課女紅外

每篝燈紡績常服夏一葛冬一褐敝則繼以補綴而
 待人則惟恐有不周者僉稱公之賢內助先公二十
 三年卒壽六十歲嗚呼如公之德宜享厚報顧其實
 行有不容泯者表其墓以示後人

蕭漢張國然自晉魏不以其家香出岐嶺軍需辦費
 亦克承烈志因以爵祿廉慶樂和姐官任蜀漢高橋
 蕭至家不辭遠涉各節痛痛新圖衣自為示清將
 公其良豈文彩香潔姑自熱其國淵微事莫坐平御
 林衿陸蕭寒烈山襟襟蕭蕭出業嚴合新來出自然

堂弟仰荀墓誌銘

堂兄

學餘

咸豐十年十二月二十三日吾叔弟學虞病故年三十七歲吾叔父太學生曉渠公四子弟行三字仰荀吾張氏之佳子弟也嗚呼弟少余將十歲與余同學弟先歸窀穸余爲誌其墓前之石悲矣弟運際坎坷幼相繼失怙恃兄弟間友愛如成人旣就外傳寢食不離函丈性狷介寡言笑守吾先世矩矱動止不敢少踰卽同學諸人諧語謔辭未嘗出諸口有所學必究極其原委刻意爲文每邀師長器愛惜析產後理

家政棄帖括不克成其志冬春之暇從族姪尙輅學篆鐫凡貞石吉金綠文丹字必冥心搜索故於懸鉞倒薤古拙飛連之法頗於鐵筆遇之每自言不獲遊覽山水多所見聞如此小生活非開宕胸襟然後靜掃一室亦不能登峯造極也嗚呼藝也而進於道矣嘗作印章雕蟲栩栩如生學畫臨仿人物紙上可呼皆不竟學居恒閉戶靜坐集諸姪輩取國語敬姜論勞逸一篇諄諄爲後學誠示娶王氏例貢生舜歌公女生二女氏病癩數年於咸豐六年九月十六日故

得年二十八歲置一簷室生二子尙磊

咸豐辛酉

尙

岩俱幼嗟嗟使吾弟克永其年則吾族之老成卓立
當有所屬今沒且葬矣吾弟不知悲其知後死者之
悲耶其知後死者不爲一人悲爲吾門悲耶爰爲誌
而銘之銘曰守璞硜硜兮小道可觀胡天夢夢兮中
道殞顛遇多嶮巇兮困苦艱難墓門永閉兮宿草荒
煙余欲揭而泐諸阡又恐不足以傳吁嗟乎余弟初
志道而游藝余安能忍而不爲之傷懷灑涕

族譜前編卷余父譜系前不為之為對

獸系俗講前編諸親父姓本氏以和

獸與前編卷余父譜系前不為之為對

前編之譜曰其與前編卷余父譜系前


悲罪其賦勢流香等類一人悲罪苦門

留春復顯卷其與前編卷余父譜系前

卷其與前編卷其與前編卷其與前編

卷其與前編卷其與前編卷其與前編

卷其與前編卷其與前編卷其與前編



墨園先生墓表

郭鑫

先生諱尙恩姓張氏字墨園又號西橋居士大塢泉里人太學生鳳儀公仲子性正直事親能得歡心教子以嚴工書畫書學懷仁山水法王石谷花鳥法鄒小山李復堂而飛白石尤長惜亂後散失墨蹟鮮存配邱氏諱謙公女孝慈淑順先生生於乾隆己酉年九月十二日卒於道光甲辰年二月十二日淑配生於乾隆丁未年六月二十七日卒於道光甲辰年三月十三日男廣慶廣哲俱庠生孫崇鑑女長適孔憲

梅次適楊凜端同治五年三月立石

欽諱劉丁未年六月二十日卒欽

武氏十二日卒欽

酒和刃韜肅公文萃慈

小山李彭堂而乘白


千以蠟工香畫香學

里人大學坐風

求坐韜尚恩

墨園求坐墓表

蔣 鑫



墨卿公暨配孫孺人合葬墓表

魯葆元

先生姓張氏諱尙輅字墨卿爲處士遙覽公第三子

因宅近大烏泉北自號南泉每作字款題迂仙洞主

人蓋自嘲也性孝友孤貧奉雙親能使樂而忘老長

兄卒撫孀嫂無失養其至行無虧矣處世無忤而有

卓識疑難事至前數言立判閭里無少長有疑者咸

就質焉四方文士一謀面卽樂與訂交相見恨晚素

爲人所仰重如此資聰穎幼讀書日數千言甫成童

卽從其舅氏馬荆石臥廬兩先生學詩文俱饒古意

而躋於場屋年逾三十始青其衿終未得一第也則
運之蹇也嗜古精鑒別於歷代金石文字無不參考
以辨其真贋好摹秦篆漢隸用筆得古人妙處至鐫
刻圖章亦復適勁異常一時之問鼎彝歛識者丐八
分書者求刻印章者接踵其門日不暇給恒至夜分
弗輟此結習所在樂而不爲疲者所著有南泉印存
一冊欲作金石考略未逮也然賢而艱於遇配孫氏
郡庠隨齋公女生二子俱亡而氏又前君三年歿蕭
索之况殆不可言而其坦易猶昔然已旣老矣甲寅

中秋之夕中風而癱聞者皆警惶欲涕爲之延醫合藥十餘月無間至次年十一月八日病益劇越三日歿年五十九鄰里族黨罔不悲歎議以其胞姪廣宜子崇康爲嗣蓋爲賢者不可無後云爲之銘曰

鬱鬱者柏蒼蒼者松有幽宅焉無蒿無蓬所謂伊人墨卿張公不自立崖岸常與世和同其行也根深而葉茂其識也衡平而鑑空在廉泉讓水之間有不夷不惠之風摹隸書以獨古於鐫刻而尤工步後塵者誰與躡其踪吁嗟乎是翁吾滕傳人也爲識其馬鬣

之崇封其親刊刻乎且餘吾親樹人出

不惠之風華親香以既省效離際而式

葉英其端世澍平而繼空齊瀨泉巖水之

墨曠近公不自立崇崇常與世味同其益

鬱鬱香幽蒼蒼香烈其幽字語無高無

弔崇淑公圖蓋欲寶香不而兼秀法益之

與平正十式聯里然黨固不悲煙遜以其

藥牛翁且據間至大平中一其天日歲益

中將之之中風而繼間香香鬱鬱將將



邑庠懷民張公暨孫孺人墓表 族姪 廣寅

夫人生俯仰一世農桑其業詩書其躬篤行好學樂而忘老無豐功偉烈而及其既歿人猶思之我族伯懷民公庶其人也公姓張諱尙惠字懷民敕贈儒林郎鳳儀公第四子少承庭訓事兩大人維謹昆季五人和藹之氣溢於門閭析居後如同居時性嗜讀勤且專寒暑未嘗稍閒年逾強始獲雋爲邑名諸生益攻苦自勵築容膝齋左圖右史陶陶然樂雖兼課農業暇則仍閉戶讀乃屢試鄉闈竟未得一伸知己於

光緒丙子秋初赴試中途患腹疾未及塲期抱病旋
七月三十日卒於旅次年七十有八矣公生平胸懷
浩落有不可一世之概與人接無少長相得甚驩尤
好與積學游上下其議論間爲詩酒會逸興豪放談
詞風生同坐者莫不傾倒喜延師引進後生每謂學
須自勤待有暇而讀書則終無讀書之日其勗人爲
學類如此而卒以赴鄉試終其身公之將歿也次子
廣田隨侍猶僂指塲期無一語及家事嗚呼公可謂
自樂其樂脫然於去來者矣德配孫孺人邑世族太

學生諱培義公女嫻姆教相公持家內外有條理躬
自儉約而好施與處姑嫜娣姪閒能敬且和遇人不
如意事百方勸解卒使聽者感悟族黨有孤貧者矜
恤之如不逮人以是稱賢德仰母儀焉先公三年癸
酉歲除夕卒年七十五歲歿之時門內僮僕罔不流
涕孺人之德與公洵媿美云

之明其德也
 諸君有不
 無謂人之
 酉亥利之
 辨之明不
 候意事百
 自前除而
 學主精執



錫同公墓表

從弟 廣寅

士有名不出鄉閭行不過庸德饜飫乎詩書優游於
名教接引後生循循善誘聆其言靜以深事或拂情
置弗校而好與人排難解紛酒杯詩卷間頽然以老
其生平言行人樂稱之所謂無高風亮節足以廉頑
而立懦者吾從兄錫同公庶當之而無愧歟公諱廣
慶錫同其字我張氏自忻遷滕由始祖至公計十六
世祖鳳儀公贈儒林郎父墨園公母邱氏公其冢嗣
也奉侍二人備極色養尤友愛仲氏蚤歲攻書即明

古賦引日族譜 卷十一
訓詁爲文章務崇實黜華每搆一藝必高人一籌旣
冠列諸生益刻意研究片詞隻義必求折衷教後進
諄復不怠性好飲未嘗過節雖環堵蕭然值興豪時
吟詠聲恒徹戶外其澹然忘情陶然自樂視古之逸
士何多讓焉生於嘉慶十四年九月十六日卒於光
緒九年正月初七日元配孔氏繼李氏俱有淑德子
崇鑑孔氏出女三俱李氏出長適王甫增次適單存
愉三適趙允鵬光緒甲申崇鑑勒石表墓問誌於寅
爲謹次其行誼云

